

Kommunini suliassaqarfiit aaqqissuuteqqinneqarnerat pillugu inatsisartut inatsisaannut nr. xx, yy -meersooq

allannguutissatut siunnersuut.

Aappassaaneerpeqarnissaanut Naalakkersuisunit saqqummiussaq.

§ 2-mut

1. § 2, *imm. 1*, oqaaseqatigiit pingajuat, imatut oqaasertaqassaaq:  
"Kujataata kommuniani Qeqqatalu kommuniani kommunalbestyrelsit 15-inik ilaasortaqarput. Avannaani aamma Tunup/Kitaata kommuniani kommunalbestyrelsit 21-nik ilaasortaqarput. Ileqquusumik kommunalbestyrelsinut qinersinerni, 2008-p kingorna pisussani, kingusinnerpaamik ukiup qinersiffiusussap siuliata naannginnerani kommunalbestyrelsi aalajangersinnaavoq Kujataani kommunimi aamma Qeqqani kommunimi ilaasortat amerlassusaat 15-inik ikinnerussasut aamma Avannaani aamma Tunup/Kitaata kommuniani 21-nik ikinnerussasut. Ilaasortat amerlassusaat akunnattuussapput aqutsinermilu malittarisassatigut aalajangersarneqarsimassallutik."

§ 4-mut

2. § 4, *imm. 1*, imatut oqaasertaqassaaq:  
"Kommunimi qinersinerup inerneru qinersinermik siulersuisunit Qinersinermut Ataatsimiititaliamut nassiunneqassapput, taassumalu kommunimi kattunneqartumi taasinerit naatsorsussavai makkununga agguataarlugit  
1) partiit ataasiakkaat taakkualu qinigassanngortitaat  
2) kattusseqatigiit ataasiakkaat qinigassanngortitaat  
3) kisimiillutik qinigassanngortittut ataasiakkaat  
Tamanna tunngavigalugu kommunimi nutaami inerneq tamarmiusoq Qinersinermut Ataatsimiititaliap naatsorsussavaa. Ilaasortaaffiit Qinersinermut Ataatsimiititaliap d'Hondtip periaasaa malillugu agguataassavai, tassa partiit immikkuutaarlutik ataasiakkaat, kattusseqatigiit immikkuutaarlutik ataasiakkaat aamma kisimiillutik qinigassanngortittut ataasiakkaat taasinerit pissarsiaat 1-imik, 2-mik 3-mik il.il. kommunalbestyrelsimi ilaasortat qinerneqartussat amerlassusaat tikillugit agguarneqassallutik. Tamanna pereerpat ilaasortaaffik siulleq tutsinneqassaaq partiimut, kattusseqatigiinnut imaluunniit kisimiilluni qinigassanngortittumut kisitsimmik agguaanerup inerneranik qaffasinnerpaamik pissarsisumut,

ilaasortaaffiup aappaa partiimut, kattusseqatigiinnut imaluunniit kisimiilluni qinigassanngortittumut kisitsimmik agguaanerup inerneranik qaffasinnerpaap tullianik pissarsisumut ilaasortaaffiit tamarmik agguataarneqarserlugit. Kisimiilluni qinigassanngortittoq ilaasortaaffimmik ataasiinnarmik pissarsisinnaavoq."

**3. § 4, imm. 2, oqaaseqatigiit siulliat, imatut oqaasertaqassaaq:**

"Imm. 2. Kommuniusimasuni kommunimi nutaami ilaasuni ataasiakkaani tamani kommunip nutaap kommunalbestyrelsiani ilaasortat ilaat ataaseq nunami sumiiffiup sinniisaatut qinigaassaaq."

#### § 8-mut

**4. Paragraffi imatut oqaasertaqassaaq:**

"§ 8. Ataatsimoorussanik nunaqarfinni aqutsisunik qinersisoqassaaq. Kommunip ataatsip iluani ataatsimoorussamik nunaqarfinni aqutsisut minnerpaamik nunaqarfiit marluk ilaassapput. Nunaqarfiit sorliit ataatsimoorussamik nunaqarfinni aqutsisoqassanersut ilaasortallu qassit qinerneqassanersut kommunalbestyrelsimit aalajangiiffigineqassapput. Tamanna pillugu aalajangiineq ataatsimoorussamik nunaqarfinni aqutsisunik qinersinissap ukiup siuliata naannginnerani aalajangerneqassaaq. Ataatsimoorussamik nunaqarfinni aqutsisunik qinersineq siulleq 2009-mi aprilimi ingerlanneqassaaq.

*Imm. 2.* Ataatsimoorussamik nunaqarfinni aqutsisunik qinersineq pissaq kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni malittarisassat naapertorlugit. Ataatsimoorussamik nunaqarfinni aqutsisunik qinersinermi, imm. 1 naap., ataatsimoorussamik nunaqarfinni aqutsisunut ilaatinneqartut nunaqarfiit qinersivittut ataasiusutut isigineqassapput."

#### § 12-mut

**5. § 12, imm. 2, peerneqarpoq.**

#### § 13-imut

**6. § 13, imm. 1-2, imatut oqaasertaqassapput:**

"Ikaarsaariarnermi Ataatsimiititaliap aningaasanut missingersuusianut siunnersuutaa Ikaarsaariarnermi Ataatsimiititaliap siulittaasuata suliarissavaa saqqummiutissallugulu kingusinnerpaamik 14. juli 2008-mi.

*Imm. 2.* Aningaasanut missingersuusialq kommunalbestyrelsit, nunaqarfinni aqutsisut il.il. pillugit §§ 39-mi aamma 40-mi aalajangersakkat malillugit ikaarsaariarnermi Aataatsimiititaliamit suliarineqarlunilu akuersissutigineqassaaq kingusinnerpaamik 14. august 2008."

#### § 16-imut

7. § 16, imm. 1, imatut oqaasertaqassaaq:

"Ikaarsaariarnermi Ataatsimiititaliap suliassaasa pingaarnersaraat kommunit kommuninut nutaanut kattunneqarnissaasa piareersarneqarnera, § 1 naap. Inatsisini oqartussaaffigisassatut aalajangersarneqarsimasut januarip aallaqqaataanit 2009-imiit atuutilersumik kommuninit nutaanit isumagineqarnissaannut pisariaqartut Ikaarsaariarnermi Ataatsimiititaliamit aalajangersarneqassapput."

§ 21-mut

8. § 21 imm. 2 aamma 3 peerneqarpoq., Imm. 4 tamatuma kingorna imm. 2-nngorpoq.

§ 32-mut

9. Nr. 3 peerneqarpoq aamma nr. 4 tamatuma kingorna nr. 3-nngorluni.

Allannguutissatut siunnersuummut oqaaseqaatit

### **Nalinginnaasumik oqaaseqaatit**

Inatsisartut inatsisissaattut siunnersuummut allannguutissatut siunnersuummik saqqummiussineq Aaqqissuussaaneermik Iluarsaaqqinnermut tunngatillugu Inatsisartuni Ataatsimiititaliaagallartup siunnersuutip aappassaaneerneqarnissaanut nalunaarusiaani oqaaseqaatinik kaammattuutinillu tunngaveqarpoq.

Allannguutissatut siunnersuut inatsisiliornikkut kukkunerisiorneqarsimavoq.

*Allannguutissatut siunnersuutip allaffissornikkut kingunissai:*

Allannguutissatut siunnersuut allaffissornikkut kinguneqartitsissanngilaq, ataatsimoorussamik nunaqarfinni aqutsisunik qinersititsinerup malitsigisaanik kingunerisassai eqqaassanngikkaanni.

*Allannguutissatut siunnersuutip aningaasaqarnikkut kingunissai:*

Inatsisissatut aallaqqaammut Naalakkersuisut siunnersuutaannut naleqqiullugu kommunalbestyrelsimut ilaasortanik ikileriarfiusuni kommuninut aningaasartuutit minnerulernissat naatsorsuutigineqarpoq, kommuninili ilaasortat amerleriarfiusuni

aningsartuutit qaffariassallutik. Ataatsimut isigalugu inatsisissatut aallaqqaammut Naalakkersuisut siunnersuutaannut naleqqiullugu inuit qinigaat sisamat tikillugu annertunerusumik aningsartuuteqarfiussat pineqarput.

Maannakkut nunaqarfinni aqutsisunut aningsartuutit siusinnerusukkut ukiumut 15 mio. kr.-init missaaniittutut nalilerneqarsimapput. Allanguutissatut siunnersuutip malitsigisaanik ullumikkumut naleqqiullugu nunaqarfinni aqutsisut amerlassusaat affaannangortinneqassapput, tassa nunaqarfiiit minnerpaamik marluk ataatsimoorussamik nunaqarfinni aqutsisoqalissammata. Taamaalilluni aamma nunaqarfiiit marlunnik amerlanerusut ataatsimoorussamik nunaqarfinni aqutsisoqalernissaat eqqarsaatigineqarsinnaalluni.

Aallaaviusutut taamaattumik naatsorsuutigineqarpoq ullumikkut pissutsinut naleqqiullugu nunaqarfinni aqutsisunut aningsartuutini sipaartoqassasoq.

Inatsisissatut aallaqqaammut Naalakkersuisut siunnersuutaannut naleqqiullugu sipaarutit erseqqinnerusumik oqaatigiuminaapput, tassa sumiiffinni siunnersuisoqatigiinnik pilersitsinissamut apeqqutaassammata tamanna pillugu kommunit siunissami nammineq aalajangersakkaat. Ilimanarporli ataatsimoorussamik nunaqarfinni aqutsisut amerlassusaasa killeqartinneqarnissaat pillugu allanguutissatut siunnersuummi aalajangersakkamiit sumiiffinni siunnersuisoqatigiinnik pilersitsineq annertunerussasoq. Taamaattumik allanguutissatut siunnersuut nalilerneqarpoq Naalakkersuisut aallaqqaammut siunnersuutaannut naleqqiullugu sipaarutini kinguneqassasoq.

Kiisalu akissarsiat ikilisinneqarnissaat pillugu § 12, imm. 2-p peerneqarnissaanik allanguutissatut siunnersuummi aalajangersakkap Naalakkersuisut aallaqqaammut siunnersuutaannut naleqqiullugu annertunerusumik aningsartuuteqarnissaq kingunerissavaa.

## **Inatsisissatut siunnersuummi aalajangersakkanut ataasiakkaanut oqaaseqaatit**

### *Nr. 1-imut*

Aaqqissuussaanermik Iluarsaaqqinnermut tunngatillugu Inatsisartuni Ataatsimiititaliaagallartup nalunaarutaani kaammattuummumut allanguutissatut siunnersuut akuersivoq.

### *Nr. 2-mut*

Naalakkersuisut aallaqqaammumut siunnersuutaannut naleqqiullugu kommunalbestyrelsimi ilaasortat amerlassusaasa allannangortinneqarnerisa kingunerisaanik allanguutissatut siunnersuusiortoqarpoq.

*Nr. 3-mut*

Naalackersuisut aallaqqaammut siunnersuutaannut naleqqiullugu kommunalbestyrelsimi ilaasortat amerlassusaasa allanngortinneqarnerisa kingunerisaanik allannguutissatut siunnersuusiortoqarpoq.

*Nr. 4-mut*

Aaqqissuussaanermik Iluarsaaqqinnermut tunngatillugu Inatsisartuni Ataatsimiititaliaagallartup nalunaarutaani kaammattuummumut allannguutissatut siunnersuut akuersivoq.

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni malittarisassat atuuttut naapertorlugit Naalackersuisut taakkuupput, kommuninik siumoortumik tusarniaareernerup kingorna nunaqarfiit sorliit nunaqarfinni aqutsisunik qinersinissaannik kiisalu nunaqarfinni ataasiakkaani ilaasortat qassit qinerneqarnissaannik aalajangersaasussat.

Allannguutissatut siunnersuutikkut aalajangersarneqarpoq siunissami kommunalbestyrelsi tassaassasoq nunaqarfiit sorliit ataatsimoorussamik nunaqarfinni aqutsisunik qinersinissaannik kiisalu tassani ilaasortat qassit qinerneqarnissaannik aalajangersaasussat. Allannguutissatut siunnersuutip malitsigisaanik 2009-mi aprilimi ataatsimoorussamik nunaqarfinni aqutsisunik qinersinissaq siunertaralugu 2008-ip naannginnerani aalajangerneq siulleq kommunalbestyrelsinit (ikaarsaariarnermi ataatsimiititalianit) aalajangiiffigineqassaaq.

Ataatsimoorussamik nunaqarfinni aqutsisunik qinersinerup ingerlanneqarnerani nunaqarfiit ataatsimoorussamik nunaqarfinni aqutsisussanut ilaatinneqartut qinersiviussapput ataaseq. Tamanna ilatigut isumaqarpoq nunaqarfiit arlaanni ataatsimi najugaqartoq qinersisartoq qineqqusaartumik ataatsimoorussamik nunaqarfimmi aqutsisunut ilaatinneqartumi nunaqarfimmi allami najugaqartumut taasisinnaasoq.

Kommunalbestyrelsinut, nunaqarfinni aqutsisunut il.il. pillugit inatsisartut inatsisaanni malittarisassat malillugit ataatsimoorussamik nunaqarfinni aqutsisut suleriaasissaannik kommunalbestyrelsit aalajangersaasussaapput.

*Nr. 5-imut*

Aaqqissuussaanermik Iluarsaaqqinnermut tunngatillugu Inatsisartuni Ataatsimiititaliaagallartup nalunaarutaani kaammattuummumut allannguutissatut siunnersuut akuersivoq.

*Nr. 6-imut*

Aaqqissuussaannermik Iluarsaaqqinnermut tunngatillugu Inatsisartuni Ataatsimiititaliaagallartup nalunaarutaani kaammattuummumut allannguutissatut siunnersuut akuersivoq. Naalakkersuisut aallaqqaammumut siunnersuutaannut naleqqiullugu missingersuutitut siunnersuusiornissamut taakkulu suliarinissaannut piffissaliussat ullunik 14-inik sivitsorneqarput.

*Nr. 7-imut*

Ikaarsaariarnermi ataatsimiititaliap suliassaa tassaasoq januaarip aallaqqaataani 2009-mi kommunit nutaat pilersinneqarnerini ingerlatsisinnaanerisa qulakkeerneqarnissaat aalajangersakkami erseqqissarneqarpoq. Ikaarsaariarnermi ataatsimiititaliat aalajangeneri taamaalilluni piffissami pilersitsiffiusumiit allaffissornikkut, aaqqissuussaannikkut, aningaasaqarnikkullu kommunit suliassaqaarfiinik kommunit nutaat pisariaqartutigut isumaginnissinnaanerini ingerlatassanut suliassanullu siullermik tunngassuteqassapput.

§ 16-imi aalajangersakkat nalinginnaasut saniatigut inatsisissartut siunnersuummiippumut ikaarsaariarnermi ataatsimiititaliat suliassaat pillugit §§ 17-22-mi immikkut aalajangersakkat.

*Nr. 8-mut*

Aaqqissuussaannermik Iluarsaaqqinnermut tunngatillugu Inatsisartuni Ataatsimiititaliaagallartup nalunaarutaani kaammattuummumut allannguutissatut siunnersuut akuersivoq.

*Nr. 9-mut*

Naalakkersuisut aallaqqaammumut siunnersuutaanni tunngavigineqartumik nunaqarfinni aqutsisut sumiiffinni siunnersuisoqatigiinnik taarserneqannginnissaasa kingunerisaanik allannguutissatut siunnersuusiortoqarpoq.